

Na osnovu člana 8. Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije BiH", broj: 12/03, 34/03 i 65/13), i člana 9. Zakona o javnim preduzećima u Federaciji BiH ("Službene novine Federacije BiH", broj: 8/05, 81/08, 22/09 i 109/12), a u vezi sa odredbama članova 247. i 248. Zakona o privrednim društvima ("Službene novine Federacije BiH", broj: 81/15) i člana 24. Statuta JP "RTV Zenica" d.o.o. Zenica, Skupština JP "RTV Zenica" d.o.o. Zenica raspisuje:

JAVNI OGLAS
ZA IZBOR KANDIDATA ZA ČLANOVE NADZORNOG ODBORA
JP „RTV ZENICA“ D.O.O. ZENICA

Nadzorni odbor JP „RTV Zenica“ d.o.o. Zenica sastoji se od tri člana.

I. Opis pozicije

Nadzorni odbor JP "RTV Zenica" d.o.o. Zenica ima sljedeće nadležnosti:

- nadzire poslovanje Društva,
- priprema poslovničke i predlaže ih skupštini,
- daje mišljenje skupštini o prijedlogu Uprave za raspodjelu dobiti i predlaže način pokrića gubitka,
- usvaja izvještaj Uprave o poslovanju po polugodišnjem i godišnjem obračunu, sa bilansom stanja i bilansom uspjeha i izvještajem revizije,
- podnosi skupštini godišnji izvještaj o poslovanju Društva, koji obavezno uključuje finansijski izvještaj i izvještaje revizora, nadzornog odbora i odbora za reviziju,
- redovno izvještava skupštinu Društva o svom radu,
- davanje instrukcija organima Društva radi otklanjanja nepravilnosti u radu,
- pregled poslovnih knjiga i dokumentacije Društva, i
- vrši i druge poslove utvrđene Zakonom i Statutom preduzeća.

Mandat članova Nadzornog odbora traje 4 (četiri) godine, s mogućnošću ponovnog imenovanja u skladu sa Zakonom.

Naknadu za rad predsjednika i članova Nadzornog odbora utvrđuje svojim aktom Skupština društva.

Kandidati moraju ispunjavati opće i posebne uvjete.

II. Opći uslovi za imenovanje

Svaki kandidat mora ispunjavati sljedeće opće uslove:

1. da je državljanin Bosne i Hercegovine,
2. da je stariji od 18 godina,
3. da je zdravstveno sposoban,
4. da nije otpušten iz državne službe, kao rezultat disciplinske mjere na bilo kojem

nivou vlasti Bosne i Hercegovine, u periodu od tri godine prije dana objavljivanja Javnog oglasa,

5. da nije pod optužnicom Međunarodnog suda za ratne zločine u bivšoj Jugoslaviji (član IX. 1. Ustava Bosne i Hercegovine),
6. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine (Službene novine Federacije BiH", broj: 12/03, 34/03 i 65/13),
7. da nisu izabrani zvaničnici, nosioci izvršnih funkcija ili savjetnici izabranim zvaničnicima i nosiocima izvršnih funkcija u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj: 70/08),
8. da nemaju privatni / finansijski interes u preduzeću u čiji se Nadzorni odbor kandiduju,
9. da nije osuđivan za krivično djelo i za privredni prestup - prekršaj nespojiv s dužnošću u instituciji u koju se kandiduje, pet godina od dana pravosnažnosti presude isključujući vrijeme zatvorske kazne,
10. da nije lice kojem je pravosnažnom presudom suda zabranjeno obavljanje aktivnosti u nadležnoj instituciji u kojoj se kandiduje.

III Posebni uslovi za imenovanje:

- da imaju VSS VII stepen, odnosno završeno visoko obrazovanje prvog, drugog ili trećeg ciklusa Bolonjskog sistema studiranja (sa najmanje 240 ECTS bodova),
- da imaju najmanje 5 (pet) godina radnog iskustva u struci nakon sticanja visoke stručne spreme,
- da posjeduje znanje iz oblasti rada i organizacije javnih preduzeća,
- da je uspješan privrednik - menadžer ili javni djelatnik,
- sposobnost za savjesno, odgovorno i odlučno obavljanje pozicije,
- sposobnost nepristrasnog donošenja odluka,
- rezultati rada ostvareni tokom poslovne karijere.

IV Sadržaj prijave

Kao dokaz o ispunjavanju uslova iz konkursa, kandidati su uz potpisanu prijavu koja treba da sadrži kraću biografiju, adresu i kontakt telefon dužni dostaviti i sljedeće dokumente (original ili ovjerene kopije):

- a) diploma o završenom obrazovanju,
- b) dokaz o traženom radnom iskustvu,
- c) uvjerenje o državljanstvu (ne starije od 6 mjeseci), i
- d) ovjerenu izjavu kandidata o činjenicama nabrojanim u tačkama 4. do 10. općih uslova konkursa.

Napomene:

Izabrani kandidati će biti u obavezi u određenom roku dostaviti:

- ljekarsko uvjerenje kao dokaz da je njegovo zdravstveno stanje i psihofizičke sposobnosti odgovaraju uslovima radnog mjesta,
- uvjerenje o nekažnjavanju ili uvjerenje da fizičko lice nije osuđivano za krivično djelo ili privredni prijestup (izdaje MUP), i
- uvjerenje o nevođenju krivičnog postupka - izdaje Sud.

Rok za podnošenje prijave je 15 (petnaest) dana od dana posljednjeg objavljivanja u sredstvima javnog informisanja i računa se prema datumu objave konkursa u glasilu koje zadnje objavi ovaj konkurs.

Javni oglas će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave, kao i prijave kandidata koji ne ispunjavaju opće i posebne uslove, neće biti uzete u razmatranje.

Kandidati koji ispunjavaju uslove konkursa biće obaviješteni o mjestu i vremenu obavljanja intervjua.

Po okončanju procedure po Javnom konkursu, dokumentacija priložena prijavi neće se vraćati kandidatima, osim na osnovu pismenog zahtjeva kandidata.

Prijavu sa traženom dokumentacijom dostaviti lično na protokol ili preporučeno poštom na sljedeću adresu:

GRAD ZENICA

Služba kabineta Gradonačelnika

Trg Bosne i Hercegovine broj 6

72 000 Zenica

**sa naznakom za "PRIJAVA NA JAVNI OGLAS ZA IZBOR I IMENOVANJE
ČLANOVA NO JP čiji je osnivač Grad Zenica - NE OTVARATI"**